

麻科活人全書

外科活人全書卷之三

安成

璞齋謝玉境纂輯
阜山劉齊珍原刊

怡菴彭 肇續刊

咳嗽第五十

發熱蒸匕咳嗽頻涕流鼻孔淚滿睛面浮眼腫雙腮赤此是天
行毒毒侵

發熱蒸匕咳嗽頻目腫面浮氣上行坐臥不安痰唾少肺葉焦
舉熱邪蒸

麻症百聲咳不歇初熱未出止相宜不咳少咳皆不順啟咳須
要用陳皮

正收收盡宜無咳。此時有咳須早醫。清金瀉火為急務。及待危時悔是遲。

麻毒連綿上氣咳。發作百聲終不歇。胸高肩聳。蛆長流。握手搖頭。泉下客。

天行麻疹與傷寒相似。惟麻則噴嚏鼻流清涕。眼胞腫。目淚汪汪之為異耳。但見此等症候。真是麻症。夫麻原發於心。心火內亢。則肺金受尅。以致肺葉焦舉。故有咳嗽。法當清金瀉火。以加味人參白虎湯。見二十條去人參。甘草粳米加牛蒡子連翹主之。有用白虎湯。見二十條去甘草。粳米加牛蒡子薄荷葉治之者。或以三味消毒散合瀉白散二方俱去。甘州治之。

方中桑白皮。取採鮮者。多用為妙。熱甚煩渴者。加知母。天花
粉。石膏。黃芩之類。如咳甚者。以二母散。或麥門冬湯。除去升
麻。赤芍。甘艸。或清肺湯。去吉梗。甘艸。加蘇子。或秘本清肺湯。
去吉梗。甘艸。或聶氏清肺飲。去柴胡。陳皮。吉梗。甘艸。等方。隨
見而用之。然確宜清熱透毒。不可止咳。故古人多用清揚飲。
子。去甘艸。加連翹。主之。慎勿用五味子。及收斂等藥。秘塞肺
竅。今咳嗽終身不已。只宜清餘熱。消痰壅。而咳自止。貝母。麥
冬。飲。除甘艸。吉梗。加連翹。牛蒡子。黃芩。黃連之類。前後咳嗽。
俱可施服。夫痰有咳。則肺氣疏通。毛竅開豁。而麻則易於出
透。所以麻症初熱未出之先。最喜咳嗽。多咳則為順候。俚言

所謂撲麻是也。麻疹出透則心經火息。肺無尅伐而咳自止。正出之際。若無連聲咳嗽。反少咳與不咳者。則腠理閉密。麻雖透表。急於升發藥中。多加留白。陳皮以啟其咳。使毛竅開洩。腠理舒暢。而麻自易出透矣。已出之後。及將收收後。則又以無咳為佳。如麻已出而咳不止。身熱作渴。煩燥不食。脉洪者。以古方黃連解毒湯。見三十加生地黃。鮮骨皮治之。肺熱如哮喘者。用生地黃散。去陳皮加黃芩。葶藶。桑白皮治之。喘甚者。加括蕪霜。北芥子。蘇子。萊服子治之。出盡及收後微七咳嗽者。此餘邪未盡。肺氣未平也。不須服藥。若欲治之。則以瀉白散。合三味消導。以去甘州與服。如肺燥塞不利而咳。

者以利金湯去陳皮吉梗甘艸生姜加麥冬牛蒡子黃芩桑
白皮治之麻盡透而壯熱咳嗽大便閉者以除熱清肺湯去
赤芍甘艸加黃連黃芩地骨皮火麻仁只壳以清利之或加
大黃下之如出盡及收後咳嗽甚而仍不止者是屬於熱治
宜清熱降火佐以消痰之品以清咽滋肺湯去玉竹吉梗甘
草加黃連枯黃芩或薛氏清肺飲去陳皮柴胡吉梗甘艸加
貝母黃連主之出盡收後咳嗽不止而多痰者以清咽滋肺
湯去玉竹浙麥冬吉梗甘艸加只壳茯苓陳皮治之或薛氏
清肺飲去北柴胡吉梗麥冬加只壳治之若麻至五六日而
仍咳嗽氣粗外熱不退乃尚有餘毒留於肺胃宜用孟介石

清肺飲除僵蚕柴胡陳皮吉梗甘艸加地骨皮桑白皮葶藶
治之或以靜遠主人清肺飲去吉梗甘艸石膏黃芩治之
如麻後咳嗽聲音不清不思飲食眼目丁口乾燥者以
清肺消毒化痰湯去吉梗甘艸治之若麻後氣喘咳嗽連聲
不住者此乃毒流於肺經肺中伏火金虛葉焦故咳嗽連聲
不住也以秘本門冬清肺湯或用骨皮清肺散俱去桔梗甘
艸糯米治之如體熱者亦以秘本門冬清肺湯去甘艸吉梗
糯米加黃連黃芩牛蒡子治之咳嗽甚而氣喘連聲不住甚
至飲食噎水者此熱毒乘肺而然也亦以秘本門冬清肺湯
去甘艸吉梗糯米加麥冬北地黃治之見血者再加茅根阿

膠治之。如咳嗽有吐血者。以麥冬清肺湯。去查肉。吉梗加
地黃主之。兼有噴水者。亦以此方。除查肉。吉梗治之。如麻後
咳嗽氣急者。以只壳前胡湯。除甘艸。吉梗以蘇子。易蘇梗。加
芥子。萊菔子。葶藶。括萎霜。以治之。然亦有加沉香者。在麻後
似亦無害。如麻後但氣粗者。以聶氏清肺飲。仍除柴胡。吉梗
甘艸。加芥子。蘇子。萊菔子。葶藶。治之。如麻後咳嗽不止。內熱
不清。心神不寧。夜臥不安。以天真膏。除黃芪。白朮。薏苡仁。加
酒炒黃連。酒炒黃芩。辰砂主之。如麻後咳嗽失聲。發熱者。以
葶藶。瓦加地骨皮。天花粉。酒炒黃連。黃芩。水煎與服。麻後咳
嗽。腹脹喘急。煩燥泄瀉。聲啞唇青。口青者。以賈蘭峰傳方。除

麻黃陳皮吉梗甘草白芍。加麥冬骨皮芥子治之。或不除白
芍。更加柴胡亦可。此在麻後活法變通。在乎其人。然切不宜
遽用白朮等味。如麻後久咳不止。以生地黃當歸身白茯苓
川貝母桑白皮杏仁柿霜等味。以養血涼血清金而咳自止。
然竟有以四物湯見二十
五條合只吉二陳湯。加括蕁霜杏仁治
之者。雖曰無碍。反不若以前之七味治。藥簡而功捷也。如兼
渴者。如麥冬只亮。兼喘者。加蘇子芥子治之。或更加葶藶萊
服子亦可。其有感觸風寒。咳嗽煩悶。嘔逆清水。眼赤咽痛。口
舌生瘡者。以防風敗毒散。或綿加生黃芩治之。如咳嗽氣喘
唇焦熱結在內。煩燥不寧。或口鼻出血。不拘前後。並宜以犀

角解毒化痰湯。去赤芍、甘州。加麥冬、杏仁、葶藶。治之。或用
氏清肺飲。去陳皮、柴胡、淡竹葉、甘州、吉梗。加黃連、當歸尾。治
之。收後如見此候。以加味人參白虎湯。見徐九去人參、甘州。
糯米。加生地、黃地、骨皮、黃芩。以滋潤之。倘或久咳不止。面浮
目腫。胸高如龜。肩聳氣喘。搖手擺頭。口鼻出血。面色或青或
赤。或白而枯。鼻燥昏悶者。皆不治之症也。

三味消毒散。治咽喉疼痛。及痘疹已出未出。未出勻。又治
一切瘡毒。並能涼膈消痰。

牛蒡子炒研 荆芥穗二錢 甘草五錢

研末。每用三錢水煎服。

濕白散

治喘嗽並脾經肺有熱目黃口不吮乳

桑白皮

地骨皮各一炙甘草五

粳米一百粒引水煎食後服

加人參白茯苓知母各黃芩各加減濕白散治肺炎喘嗽

二母散 治麻後咳嗽甚及肺熱咳嗽

知母

貝母去心

生薑一片引水煎服

或為末白水下一錢

麥門冬湯 即二十八條內葛根麥門冬散去人多痰另集

麥冬

葛根

熟石膏各一

茯苓

赤芍藥

煎炒各

升麻

炙甘草各四

水煎服

清肺湯 治癰後咳甚

枯黃芩 貝母 知母 吉梗各七 防風 炙甘草各四

水煎服

秘本清肺湯 治不時咳嗽寒熱唾紅

黃芩 當歸 麥冬 防風 赤茯苓 生地黃 連翹

蘇葉 前胡 吉梗 甘草各五 桑白皮錢一 水煎服

蘇氏清肺散 治癰後氣粗咳嗽

桑白皮炒 地骨皮去骨各五分 麥冬去心一錢五分 天花粉

元參各八分 柴胡各六分 吉梗 黃芩酒炒 川木通去皮各七分

熟石膏 生地黄錢各一 陳皮 生甘草去皮各三

淡竹葉 燈心引水煎加羚羊角磨汁對服

清楊飲子 痘疹主方

西河柳錢五 麥冬 元參錢二 牛蒡子炒 葛根各一錢五分

知母蜜炒 蟬蛻肚洗去土 薄荷葉 荆芥穗 甘草各一錢

淡竹葉片三十 水煎服

貝母麥冬飲

貝母 麥冬 薄荷葉 元參 桔梗仁 吉梗 甘草

水煎服

生地黄散 治麻肺熱喘咳斑疹身熱口乾心煩

生地黄一錢 麥冬分五 杏仁 款冬花 陳皮各八分

水煎服準繩有甘草一書並有吉梗

利金湯 治肺燥塞不利而咳

貝母 茯苓 只壳 陳皮 吉梗 甘草 生薑白蜜引

除熱清肺湯治痲瘡透而壯熱咳嗽大便閉結

石膏錢 麥冬錢五分 元參 生地黃 貝母 枳實根

赤芍藥錢各一 甘草錢五分 水煎溫服

清咽滋肺湯 治痲後餘熱咳嗽聲痞

元參 牛蒡子 荊芥 貝母 麥冬 枳實根 馬兜鈴

明玉竹 吉梗各八分 甘草細 水煎服

前方繆仲淳有薄荷無馬兜鈴

五介石清肺飲

熟石膏

生地黄

各一分

麥冬

淡竹葉

陳皮

元參

當歸尾

黃芩

知母

吉梗

僵蚕

甘草

去皮

燈心

靜遠主人清肺飲

治癰後傳肺胃二經咳嗽喘急

麥冬

牛蒡子

防風

茯苓

桑白皮

地骨皮

知母

吉梗

甘草

水煎服

清肺消毒化痰湯

牛蒡子

荊芥穗

防風

貝母

各五分

連翹

黃芩

胡

茯苓

各七

只壳

吉更

甘草

三分

水煎作十餘次徐徐服

秘本門冬清肺湯

天冬 麥冬 知母 貝母 杏仁去皮尖炒研 石膏 骨皮

牛蒡子 款冬花 桑白皮 馬兜鈴 吉梗 甘艸

糯米引 水煎服

骨皮清肺散

黃芩二分 石膏七分 滑石七分 地骨皮 當歸 知母

桑白皮紫苑茸炒 白茯苓 吉梗 甘艸各五分

姜三片引 水煎服

前方加人參柴胡白芍白朮黃蘗蜜炙各五分 名人參清肺散治

肺熱鼻乾涕唾稠粘

麥冬清肺湯

麥冬 知母 貝母 黃芩 杏仁 天花粉 只壳

陳皮 丹皮 查肉 吉梗 水煎服

只壳前胡湯

只壳 前胡 防風 赤茯苓 蘇梗 吉梗 甘草

水煎服 氣急者以沉香磨水對服

天眞膏 治肺後咳嗽不止內熱不清心神不寧夜臥不安或

生瘡疥

生地黃 麥冬 元參 白茯苓 紫苑茸 知母 陳皮

桑白皮 沙參 生黃芪 薏苡仁 桑人 丹皮 茯苓
當歸身 白朮

右以生地麥冬元參沙參黃芪苡仁炒。白朮為君。白茯苓炒
杏仁茯苓神當歸丹皮陳皮紫苑茸為臣。以知母桑白皮為佐。
入砂鍋內。以長流水浸用。桑柴文武火煮兩時辰久。水乾再
添水於內。取出去滓。將藥水以清復入砂鍋再熬。加蜜和成
膏。以磁罐收貯。每用三匙。滾水調服。

葶薈丸 治麻出氣喘將成。龜胸

葶薈子 隔紙 炒 漢防已 牽牛子 炒 杏仁 去皮 油 萊菔子
水煎服 大便溏滑者除牽牛

賈蘭峰傳方

黃連 黃芩 連翹 元參 知母 杏仁 乾葛 麻黃

牛蒡子 陳皮 厚樸 白芍 吉梗 甘艸 水煎服

只吉二陳湯 半夏 陳皮 白茯苓 各一錢

甘草 只壳 吉梗 姜引 水煎服

犀角解毒化痰湯 治麻後咳嗽氣喘唇焦結熱在內煩燥不

安或口鼻出血

犀角 丹皮 連翹 貝母 天花粉 薄荷 紫艸草

甘艸 當歸 牛蒡子 赤芍 生地黃

黃連 淡竹葉 水煎服

氣促發喘鼻扇胸高第五十一

氣促原因肺未清。開口出納喘候真。鼻扇痰鳴肺將絕。胸高

定歸幽冥。

氣促之症。多緣肺熱不清所致。治法當分時候。若見於未出

及正出之時。藥宜疎托。以清熱透肌湯。見二十去甘草主之。

如見於正收及收後。藥宜降火及瀉肺氣。以清咽滋肺湯。見

十去主竹。吉根甘草。加茯苓陳皮以消痰。若開口而作出納

胸肋高壅。起止不常不定。是為喘症。乃屬痰火之候。熱邪壅

遏肺竅。氣道阻塞而然也。然喘症有虛實之分。實者易治。虛

者難為。欲察其虛實之確。在於大便秘之溇泄。小便之清利大

便之聖結小便之赤滯上別之若大便溏泄小便清利脣白而身無大熱皆為虛症。縱以半夏蘇子芥子葶藶吉梗甘草萊菔子陳皮南星茯苓之類以清痰潤肺多難獲效實則大便堅燥小便赤滯脣紅而身發壯熱用甘草吉梗陳皮枳壳蘇子括萎仁杏仁桑白皮黃芩黃連天冬麥冬等味多易於取效果係實者以竹葉石膏湯見二十條去人參半夏炙甘草粳米加括萎仁貝母北芥子治之。冬月更加蜜酒炒麻黃少許可以隨手而應。大抵未出時而喘者易治。收後而喘者難治。如發熱時多喘邪熱壅於肺故也。慎勿用定喘之劑。惟宜以大劑石膏知母竹葉湯或葶藶前苟根湯去甘草主之。初發

熱而喘者。以麻黃湯去甘艸加連翹牛蒡子只壳。或以清金散火湯。去吉梗甘艸加酒炒黃芩杏仁連翹只壳治之。初發熱未出之時而喘者。以三拗湯去甘艸加荆芥石膏茅茶治之。如肺炎喘嗽。以加味瀉白散去甘艸人參主之。發喘而鼻黑乾燥者。以白虎解毒湯規二十條主之。如痰實壯熱胸中壅悶。臥則喘急。以前胡只壳散除甘艸加貝母黃連黃芩括蕒霜治之。如麻已出而喘者。用加味清肺降火湯主之。如麻出三日後而作喘者。息以靜遠主人清肺飲規五條去知母吉梗甘艸加杏仁括蕒霜芥子治之。或以生地黄散規五條治之。如麻後發喘以清咽滋肺湯見五條去玉竹吉梗甘艸合白虎湯。

見二十 去甘艸粳米以滋潤肺胃。若麻後而喘。日久胃虛不

可用白虎湯。見二十只宜以靜遠主人清肺飲。搜經主之。麻

後如有日久發喘不歇者。以小柴胡湯。見二十以貝母易半

夏。沙參易人參。加五味子從權治之。若喘而無涕。兼之鼻扇

者。則難治矣。蓋鼻扇症。肺氣將絕。若鼻扇而兼喘滿痰鳴者。

此必不治。如鼻扇而咽喉清利。無喘滿而精神似故不減者。

十救二三。宜滋培肺氣。藥以潤肺清痰為主。以補肺阿膠散

治之。收後而鼻扇者不治。若麻喘而胸高者。乃肺經熱甚。而

脹起者也。其症多見於正收及收後。凡麻見胸高之症。為肺

壞。乃不治之候。有用葶藶桑白皮散治之者。亦僅十全一二

而已若冀其施無不應未之有也

石膏知母竹葉湯

石膏

五錢至一兩

肥知母

一錢至三錢

淡竹葉

三十片至一百片

麥冬

三錢至五錢

薄荷葉

二錢

西河柳

兩水煎服

檀前葛根湯

西河柳

前胡

葛根

荆芥穗

貝母

元參

知母

麥冬

甘草

水煎服

麻黃湯

麻黃

湯洗去

杏仁

去皮尖油

甘草

各五

石膏

臘茶葉

各一

一方去石膏加桑白皮

水煎服

清金散火湯

麻黃綠汁去

蘇葉

牛蒡子

吉梗

甘艸

水煎服

三拗湯

麻黃

不去節三錢

杏仁

不去油皮尖二十粒

生甘艸

水煎服

加吉梗荊芥名加味三拗湯

加味瀉白散

桑白皮

地骨皮

白茯苓

知母

黃芩

人參

甘艸 糯米一百粒引水煎食後服

前胡只壳散

前胡 只壳

赤茯苓

炙甘草各五錢

大黃

量以加減

右以咀每服三錢。水一盞煎六分旋服。

加味清肺降火湯 治麻出喘急

陳皮 枯黃芩 麥冬 桑白皮 生地黄貝 枝仁

括蕒仁 天花粉 石膏 葶藶子 地骨皮 蘇子炒

燈心二十根引水煎服

補肺阿膠散 治肺虛有火嗽無津液而氣硬鼻扇

阿井膠 蛤粉炒一兩 五錢能補血液清肺滋腎益血

馬兜鈴 肺清熱降火 入不硬液補則津生大便而嗽平

牛蒡子 炒香一兩 利膈滑痰而

杏仁 去皮尖七錢 潤燥治火嗽

梗米

一兩即乾米並脾胃

炙甘草

脾胃

水煎服

李時珍曰補肺阿膠散用馬兜鈴取其清熱降氣而肺自安也。中間之阿膠糯米乃補肺之正藥。要知清熱降氣瀉之即所以補之也。若端於一味用補反能助肺火而增咳嗽。

葶藶桑白皮散

治胸高氣喘

葶藶子

隔再炒香研

漢防己

杏仁

貝母

蘿苳子

姜汁炒研

家蘇子

姜汁炒研

桑白皮

只壳

黃芩

北芥子

姜汁炒研

二劑水煎服

胸高而喘者加蜜炒麻黃茸

約給第五十二

喉中動。七。喉中。七。毒火不得發越者。未出。正出。十全。一。正收。收。復難。也。

蘇。肺。胃。如。喉。中。有。痰。動。給。而。鳴。者。其。症。屬。痰。火。之。候。此。因。毒。火。內。結。之。極。邪。熱。阻。逆。不。得。發。越。所。致。也。若。見。於。未。出。正。出。之。間。治。當。清。肺。降。火。消。痰。為。主。十。中。可。救。一。二。以。除。熱。清。肺。湯。見。五。條。去。赤。芍。甘。草。主。之。若。見。於。正。收。及。收。復。者。必。邪。熱。未。透。毒。火。傳。裏。或。露。風。早。收。餘。熱。內。攻。而。肺。氣。受。傷。也。實。為。難。治。此。症。宜。防。之。未。得。之。先。

瘡啞聲音不清第五十三

咳嗽咽傷聲瘡啞。非與痘瘡同例也。此乃麻疹之常候。認作危症是愚者。

麻本屬火。瘡啞乃麻之常候。多吉無凶。不可以痘瘡瘡啞比。例蓋因肺胃熱邪為風寒所襲。不能盡達於表。咳甚咽傷。故瘡啞也。治宜清肺降火消痰為主。以清咽漸肺湯見後除去玉竹。加甘草。加黃芩。木通。主之。若肺熱咳嗽聲啞者。以萬氏清肺飲。去菖蒲。訶子。仁。杏。梗。加黃芩。貝母。主之。若聲瘡而咽痛者。以射干消毒飲。去甘草。加黃芩。山豆根。主之。如麻後聲音不清。咳嗽不思飲食。眼目不清。唇口乾燥者。以清肺消

毒化痰湯十見五去吉梗甘草加麥冬黃連天花粉主之如心
虛聲音不揚者以導赤通氣湯除去甘草人參加沙參主之
如係肺熱聲音不清響者以甘草清金散主之兼有咳者以
清金降火湯主之或以驗方治之

射干消毒飲

射干 元參 連翹 荊芥 牛蒡子 甘草 水煎溫服

萬氏清肺飲

麥冬 荊芥穗 天花粉 知母 吉梗錢各一 石菖蒲

訶子仁 各八分 水煎

導赤通氣湯

木通 土地黃 麥冬 當歸身 石菖蒲 人參 甘草
燈心引

甘桔清金散麻後肺熱聲音不清有用之而瘖甚者宜刪
桔梗一 甘草 連翹 訶子皮分五 牛蒡子七
為末每用一錢加薄荷葉少許水煎服

清金降火湯 治麻肺熱聲啞咳嗽

當歸 白芍藥酒 生地黃酒 桔萸仁 白茯苓 陳皮

貝母去心 桑白皮蜜 麥冬 黃芩酒 杏仁去皮

黃連酒 枝仁炒 元參 蘇梗 石膏 天冬 甘草

姜三片引水煎服

治痲後咳嗽失聲驗方

牛蒡子

黃芩

天花粉

薄荷葉

桔梗

甘草

水煎服

既逆第五十四

既逆雖曰有虛實痲症實多虛無一以因逆氣上冲喉胃火炎
炎作既逆

既逆之症乃氣逆上冲而作聲也其症雖有虛實之分而痲
屬火候而發既逆乃胃火上冲所致實者八九而虛者未常
見一二也治法宜以清火安胃為主如實熱痰火發既逆者
以竹茹柿蒂湯去半夏甘草加貝母石膏三之如既逆不止
者以安胃散去查肉治之若既逆一連二三十聲不歇者以
紙條置鼻孔中得嚏即已或以生姜汁同蜜汁煎熱頓服之
亦可

竹茹柿蒂湯

竹茹 柿蒂 陳皮 半夏 甘草

因惱怒發飢者加柴胡青皮黃芩

安胃散

陳皮 麥芽 木通 澤瀉 黃芩 石斛 查肉

水煎食遠服 胃火甚者加石膏

噴嚏第五十五

噴嚏能令肺氣清。始終有嚏。麻必輕。若還鼻塞而無嚏。風邪留滯毒來侵。

麻疹初起而多嚏者。乃內火因風邪搏激而然。故有噴嚏者。則肺毒得解。而肺氣全通矣。初熱未出之時。若有噴嚏者。必是先因外感。而後得通也。其毒解出可救。正出之時。有噴嚏者。其麻必輕。收復而尚有噴嚏者。方為盡退。乃毒得盡解。可無餘患矣。若突而多涕。濁壅得地。肺氣自清。最為吉兆。若無嚏而鼻塞不通者。必有風邪留滯。如清肺湯。見五條除去吉。梗甘草加荊芥薄荷葉連翹牛蒡子只壳赤茯苓。或利金湯。見五

十
條去吉梗甘草生姜加赤茯苓薄荷葉連翹牛蒡子或全書
除熱清肺湯等方俱可施用。但凡遇有鼻塞不通之症。總宜
用辛涼之劑以透達之。如荊芥乾葛牛蒡子薄荷葉麻黃辛
散之品。元參石膏淡竹葉括蕒根清涼之味。在所當施。

全書除熱清肺湯出 渴心火清肺金主方

麥冬 黃芩酒炒 石膏 元參 生地黃 貝母 赤茯苓

水煎服 壯熱加地骨皮 壯熱大甚更加黃連

氣粗加葶藶子括蕒霜 氣喘加蘇子芥子

便閉加大麻仁只壳 便閉甚加大黃

鼻通多涕鼻乾無涕第五十六

始終多涕本爲吉。鼻乾無涕肺府熱。其間形症有數般。叮嚀良工細認識。

鼻通多涕。肺氣順也。所謂多涕者。鼻常有涕。非鼻涕暫見比也。麻症得肺府平和。鼻無阻塞。此爲順候。初熱至出時多涕者。皆爲吉兆。收後亦以多涕爲易治。至於鼻乾無涕。必須鼻孔之內。絕無物塞。而鼻乾燥。方是真候。此乃肺府熱極閉塞而不通也。初熱未出之間。見之。其症必重。以清肺飲去陳皮。五味子。吉梗。甘州。合清湯飲子。見五除甘州。淡竹葉。加石膏。黃芩。更量加蜜酒炒麻黃。以解表而疎通肺氣。或以薛氏第

二清肺飲。去柴胡陳皮姜蚕吉梗歸尾淡竹葉。合蘇葛湯。見
六去柴胡赤芍甘州加只壳治之。若已出大熱致鼻乾無涕
者。此症亦重。宜以全書除熱清肺湯。見五十五條加黃連地骨皮
連翹牛蒡子只壳治之。或暫有而暫無涕者。雖重亦可救。以
杏仁清肺湯。去吉更甘草加黃芩治之。又有先無涕。其後熱
退。鼻通有涕者。又有因熱甚。鼻外被裏。乾結似於無涕者。以
利金湯。見五十五條去吉梗甘州生姜陳皮加牛蒡子黃芩赤茯苓
連翹治之。或更加桑白皮杏仁治之。以上數症。總皆要肺氣
通暢。雖凶可救。醫家須宜詳察施治。

杏仁 貝母 茯苓 各一錢 陳皮 吉梗 五味子

甘州 各五 水煎服

聶氏第二清肺飲 治麻出四五日同時有餘毒留於肺胃

咳嗽氣粗外熱不退

熟石膏 生地黄 各一錢 元參 柴胡 各一錢 麥冬 二錢

陳皮 六分 枯黃芩 酒炒 當歸尾 知母 炒 淡竹葉

吉梗 各七分 鹽黍 炒 生甘草 五分 燈心 引 水煎服

杏仁清肺湯

杏仁 麥冬 貝母 款冬花 牛蒡子 吉梗 甘州

水煎服

微汗自汗大汗無汗第五十七

微汗常出熱不留初出未收總沐麻升發之味須禁引用之大洩反為仇

自汗之症屬陽虛。麻後見之更可危。勿令見風成瘰癧病。治陰抑陽症自除

發熱渾身汗最宜元府開豁麻出時。衛中表邪從此散。汗多亡陽又忌之

壯熱無汗大非吉。不因風寒因火鬱。自始至末總無汗。縱麻已收症百出

麻有自汗微汗大汗無汗等症。而均有宜有忌。麻初出至未

收之時皆宜微汗。有微汗則皮膚通暢。腠理開豁而毒易透。發熱之際有自汗者則有發散之義。乃為常候。蓋麻遇自汗則毒從汗解。元府開而麻毒透。衛中之表邪則從之而散矣。不可遽止。亦不可復用升發之劑。若自汗而更升發。恐汗大洩。致有亡陽之患。夫自汗之症。原屬陽虛。初時無妨。若麻後自汗多成痼病。勿勿見風。法當治陰抑陽。使腹內虛熱清退。而汗自止。以四物湯規二十條。仍去白芍川芎。加元參牡蠣粉。主之。如麻後自汗兼不食吐衄者。真是虛症。最為難治。亦宜以四物湯五錢。加牡蠣二十條。藿香銀石斛。用舊蒲扇或舊蒲蓆燒灰研細末入藥中調服。若誤投藥餌。傳變多端。難收功矣。

切勿拘治。麻初起常法。而用辛溫解散之劑。如果係脾熱。可用瀉黃散。去甘州。因症加減而治。則又可拘麻初之常法矣。若自汗而煩渴。氣壅脈數者。則以靜遠主人化斑湯。加括蕒霜。主之。至於大汗過多之症。則有二因。一因衣被蓋厚而致。大汗過多者。一因用升發之劑過甚。而發汗過多者。二者皆不宜也。蓋恐大汗過多。致有亡陽之變。輕則症難脫體。重則多有不救。倘遇麻有隱暗不透之壞症。從權施治。而用升發之劑。取其大汗。使毒從汗解。此時語其變而非正治也。然亦多凶。經曰。汗多亡陽。急須止之。以秘本黃連湯。或當歸六黃湯。外用溫粉撲法治之。

有以人參白虎湯合古方黃連解毒湯見三十一治之者。似乎未當。方仍列

後備

用。若婦人麻後汗多。心慌神昏者。亦有因而致。不可不察。有因麻症初起。適遇經行。麻乃火候。心火旺盛。榮血多虧。今又月期適至。血又下洩。虧耗大過。至麻收之後。氣血兩虛。未有不感汗多怔忡神昏等候。急宜以玉屏散加牡蠣粉與服。以止其汗。免至亡陽。旋用人參養榮湯去桂心五味子。多加牡蠣粉。龍骨數大劑與服。須宜急治。遲則不救。若麻症初起。壯熱而無汗者。多因外感風寒太重。以致皮膚乾燥。毛竅不開。麻疹壅滯。而汗亦難出。多成內攻之症。或肚腹脹痛。或發喘促。夏秋之間。宜微升散。以葛根解肌湯。見第去赤芍甘草。五條加木通。只壳治之。春冬寒月。重為發散。如加味三拗湯去吉。

梗甘草。或葛根疎邪湯。見三十條加炒麻黃治之。但不可過劑。使渾身常得微汗為妙。有微汗則腠理潤澤而麻易出。又有一等因熱極火鬱而無汗。亦致皮膚乾燥而不活澤。麻亦難出。此症外必見唇舌破裂。二便結滯昏沈壯熱。或身痛肚腹脹疼多發喘促。齧齧痰鳴。不拘何時。無分遲早。急用寒涼降火清肺之劑。佐以升發之藥。以白虎解毒湯。見二十條加地骨皮貝母元參牛蒡子前胡乾葛治之。遲則恐成壞症。大抵麻症常以微汗為順。自始至末。必以得汗為妙。經曰微汗常出。熱自越而不留。此之謂也。若始終無汗。麻難收斂。後必有餘症。宜用寒涼升發解毒為當。

瀉黃散

防風 四錢

枝仁 炒黑 一錢

藿香葉 七分

石膏 五錢

甘草

二錢 為末白湯下或用蜜同酒拌炒仍用白湯下

加味三拗湯

麻黃 三錢 不去節

杏仁 不去皮 二十粒

生甘艸

荆芥穗

吉梗 水煎服

靜遠主人化斑湯

石膏 知母 元參 麥冬 牛蒡子 連翹 黃芩

地骨皮 淡竹葉 水煎服

秘本黃連湯

黃連 黃柏 黃芩 麥冬 生地黃 當歸 生黃芪

水煎加入燒蒲扇灰調服

當歸六黃湯 治自汗盜汗

當歸 生地黃 熟地黃 黃芪蜜炒各一錢 黃芩 黃連

黃柏各五分 水煎服

溫粉撲法

黃連 牡蠣粉 貝母各五錢 粳米粉升 為末撲身上

玉屏風散

黃芪炙炒一兩 大當歸六錢 陳粳米一合炒黃色 水煎服

玉屏散 治自汗不止氣虛表弱

黃芪蜜炒

防風各一

白朮土炒五錢

生薑紅棗引水煎服

人參養榮湯 治脾肺氣虛榮血不足驚悸健忘寢汗發熱食

少無味身倦肌瘦

人參 白朮王

黃芪蜜炒

炙甘草

陳皮

全當歸

桂心各一錢

熟地黃

五味子蜜炒

白茯苓

各七分

白芍藥

酒炒八分

遠志肉

去骨甘草水煮五分

生薑紅棗引水煎服

人參白虎湯見六十四條

黃連解毒湯見三十五條

衄血諸失血第五十八

毒邪併迫血離經。衄流於鼻。不須驚。當知熱毒從茲解。血去榮
中毒少輕。

吐血便血與溺血。當分熱甚和血甚。熱入血室。勞動火。總而名
為失血症。

鼻之衄血。因內熱熾甚。邪火沸騰。血隨火載。自肺胃上行而
溢於鼻也。麻疹本乎肺胃。故初起及未出之先。而衄血者是
為順候。亦發散之義也。蓋麻疹從衄而解。而榮中之毒則輕
少矣。不必遽止。熱得開洩。不藥而衄自已。非錯經妄行之比。
但不宜久耳。如衄血過多。此為火迫經曰奪血者亡。急須止。

之如衄之不已。或有失血者。俱宜清肺瀉火。佐以涼血之藥。治之以犀角地黄湯。去白芍。加荊芥穗。枯黃芩。生之。凡初熱見形。衄血者。乃心火上沖。煩悶其症。不妨用生地黃。枝子湯。加枯黃芩。以散心火之鬱熱。而清肺。已出而衄血者。以加減犀角地黄芽花湯。去甘草治之。已出大便下血。或小便溺血者。或吐血衄血。或二便閉。滋熱渴赤痛。以犀角解毒湯。去赤芍治之。如衄血不已。急須止之。以茅根湯加黃連。或元參地黃湯。去升麻。白芍。甘草。加茅根黃連。或芽花湯。去甘草。加黃連等方主之。已收之後。或出鼻血。或失血者。俱宜以加減犀角地黃芽花湯。去甘草治之。有用四物湯加凡麻症血熱及

勞動火熱入血室。吐血衄血發狂發黃者。俱宜用犀角地黄湯去白芍加桃仁治之。若正收及收後仍衄不止者。以四物湯見二十條加茅根麥冬以滋潤之。然麻症衄血。或便血溺血。俱為失血之候。須當分熱甚血甚施治。熱甚者以黃連解毒湯見三十條主之。血甚者以犀角地黄湯去白芍主之。

犀角地黄湯 治傷溫病一應發汗而不得汗內蓄血及鼻衄吐血不盡內餘瘀血大便秘出血面黃或中腕作痛

犀角 生地黃酒浸 牡丹皮 白芍 各等分水煎服

喜妄如狂加大黃黃芩 吐血衄血者加梔子藕汁童便
脉大來遲腹不滿而自言滿者加當歸肉桂

生地枝子湯 治心火上冲衄血

生地黄 枝仁 葛根 薄荷葉 燈心引

加減犀角地黃茅花湯

犀角磨 生地黄 茅花 丹皮 尺壳 黃芩 枝仁

連翹 黃連 麥冬 當歸尾 甘草 灯心三十根引

犀角鮮毒湯

犀角 黃連 黃柏 黃芩 枝仁 生地黄 牡丹皮

赤芍 水煎服

茅根湯

茅根 當歸 生地黄 山枝仁 枯黃芩

水煎加百草霜入藥中服

元參地黃湯 止痘疹

元參 生地黃 丹皮 枝仁 升麻 中甘鹽 各一錢

白芍 錢 水煎

按此方宜均勿用升麻以塞上衝之源勿謂但屬陽明胃經即可用升麻也

茅花湯 治衄血

靜茅花 當歸頭 牡丹皮 生地黃 甘草 水煎服

附方

茅花湯

茅花 欝金 生地黃 黃芩 水煎入百草霜調服

元參解毒湯 治衄血失血

元參 黃芩 枝仁炒 生地黃 粉葛 荊芥穗

吉梗 甘草 水煎加茅根汁京墨汁對服

犀角地黃湯 治失血衄血便血尿血

犀角 升麻 生地黃 木通 吉梗 京芍 甘草

水煎服

嘔吐第五十九

毒火鬱遏胃氣傷初熱嘔吐原無妨欲吐不吐乾霍亂二者一見最御當

痲症初起嘔吐亦屬常候而吐瀉交作者順乾霍亂者逆欲吐不吐者危夫痲症之有嘔吐者皆因胃間火毒不能發洩而鬱於內致傷胃氣而作也初熱而得嘔吐之症此毒未發出藥宜疏托以葛根解肌湯見第五條去赤芍甘草或葛根疏邪湯見第三十條主之正出及正收時而見嘔吐之症者是毒未盡藥宜清涼解毒少加疏散可也以消毒飲見第二十二條去甘草加只壳黃連治之多痰者加括蕞霜貝母治之收後而仍有嘔

吐者。乃是餘毒留於胃脘所致脾胃虛而熱滯也。宜用清涼脾胃之藥。佐以分利之劑。用石斛清胃散去赤芍甘草主之。取此方中之陳皮扁豆藿香以止嘔吐。若嘔一止而陳皮藿香葉扁豆又宜除之。不可過用恐致燥害。此症若不間以金石之品。全用輕浮之藥其嘔難定。如嘔吐不止者以竹茹湯主之。如熱甚嘔吐者以解毒湯見二十六條去吉更加竹茹枇杷葉主之。

石斛清胃散 治痲後嘔吐胃虛不食熱滯

石斛 煨苓 只壳 丹皮 扁豆 藿香 陳皮

赤芍 各一錢 甘草 五分 生姜 引

竹茹湯

竹茹 陳皮 柿蒂 查肉 水煎服

吐痰痲後有痰胸口痰甚第六十

吐痰之症有多般都緣肺胃火邪干俱宜清肺消痰火治者須作一倒看。

吐痰之症有二有吐出而白者有吐出而成塊者皆肺胃之火欠清而作也俱宜清肺消痰降火為急以杏仁清肺湯見條大去甘艸吉梗加黃芩或以清肺飲見五十去五味子白吉梗甘草加麥冬黃芩知母石膏治之但清痰切勿用半夏南星等燥藥惟宜用天花粉貝母陳皮之類清肺降火宜用

天門冬 麥冬 杏仁 桑白皮 黃芩 黃連 之類 切勿用吉梗 中州之品 如麻後有痰而不吐痰者 宜用加味二陳湯 去半夏 甘艸 加貝母 括萎 霜主之 如麻後胸口痰甚者 用經驗敷方 或敷或指治之

加味二陳湯

陳皮 半夏 白茯苓 防風 天麻 連翹 甘草

水煎服

經驗敷方 治胸口痰

吳茱萸 炒一兩 葱白 餘

為末 以生姜自然汁 和葱白 搗和作餅 蒸溫敷胸上 立效

吐蚘虫第六十一

吐蚘之症。是何因。胃虛無穀。虫上行。急宜施治。免胃爛。調養脾胃。症自平。

麻前吐蚘。乃胃熱。不進穀食所致。治法宜清肺解。以秘本。問。參。清。肺。湯。規。條。五。去。甘。草。吉。更。主。之。若。將。出。正。出。之。際。而。吐。蚘。者。是。因。胃。間。有。熱。膈。上。有。痰。虫。不。能。安。故。也。患。者。能。食。則。已。不。必。用。藥。若。欲。用。藥。則。以。殺。虫。丹。與。之。在。初。熱。未。見。麻。時。而。吐。蚘。者。與。吐。蚘。過。多。而。不。能。食。者。皆。為。胃。氣。虛。敗。必。不。能。治。然。吐。蚘。之。症。多。見。於。正。收。及。收。後。之。時。亦。因。胃。火。熾。甚。多。致。少。食。虫。無。所。養。故。望。上。而。出。或。三。四。條。或。五。六。條。或。十。餘。

條而止不宜過多。多則有害。治當安胃。爲急。久則胃爛。難救矣。以七味白朮散。加烏梅。再斟酌。加減而治之。虫得酸則安矣。如麻後熱退。能食而吐。虵者。宜調養脾胃。庶無他變。以安虵。散除胡粉。白礬。七味白朮散。加烏梅等方治之。若麻後吐。虵不食而兼自汗者。真是胃虛。最爲難治。以七味白朮散。加烏梅。牡蠣粉。鈹石。斛治之。如係脾熱。則以瀉黃散。見五十加烏梅。牡蠣粉。鈹石。斛治之。

殺虫丹

生葱一把 炒吃虫即化爲水

七味白朮散 治胃虛津氣不行而渴

人參 白朮炒 白茯苓 炙甘草 合香葉 干葛根

木香 水煎服

安就散 治吐衄色赤成團而活屬熱者

烏梅肉 三錢 黃連 蜀椒 藿香 茯苓 各二錢 胡粉

白礬 各五分 為末每用三錢水煎如糊空心服

吐沫帽沫也口中流涎不止第六十二

清涕之中見白沫實為胃火旺所致治宜清胃並降火莫以白

沫作寒治。

吐出涕中有白沫流涎不止均非虛都因胃中邪火旺急宜清

胃免傾危

吐沫者吐出清涕之中。而有白珠是也。乃是胃火旺甚所致。治宜清胃降火為急。宜以加味清胃散。加連翹牛蒡子主之。其不去升麻者。蓋欲用之以開提胃熱故也。然亦須斟酌而用。如麻後有口中流涎不止者。亦是胃火旺甚所致也。宜以河間涼膈散身二十條治之。但方中有大黃芒硝。須要察人之

虛實強弱大小及大便之堅澹而施。不可槩用以誅伐無過。

加味清胃散 治胃中蘊熱中脘作痛。後火氣發泄必作寒。

熱乃止及齒齦腫痛出血。疹引頭腦。

生地黃 四錢 川升麻 一錢 牡丹皮 五錢 當歸尾 酒洗

川黃連 三錢 防風 荊芥 石膏 水煎服

泄瀉第六十三

麻初泄瀉最為宜瀉而日久須治之。熱寒食冷便膿血數般當
分新與遲。

麻症泄瀉。慎勿遽止。蓋麻有瀉而胃與大腸之邪熱得解。是
亦表裏分消之義也。初熱作瀉者。用豬苓湯去阿膠甘草加
葛根連翹牛蒡子主之。有用香蘇散者。然終不若分
利之為常也。香蘇散方仍列。若麻見
二三日泄瀉者。以透斑和中湯去升麻川芎柴胡。吉梗半夏
陳皮甘草生薑加連翹牛蒡子地骨皮主之。若身熱煩渴泄
瀉者。用三苓散。見三十條加地骨皮黃連黃芩麥冬主之。夏月
用辰砂益元散法甘草治之。如麻後泄瀉者。以薏苡仁散去

香附甘草主之。淋後泄瀉及便膿血者。皆由熱邪內陷故也。大忌止泄。惟宜用升散之藥。以黃連葛根湯。加扁豆滑石白芍藥數劑與服而自愈。然淋症泄瀉。須分新久。寒熱傷食傷冷六般。若初熱瀉者。用三苓散加木通。以重瀉心經之熱。寒瀉則十中無一。或有傷食傷冷而作寒瀉。四肢冰冷肚腹不熱口不作渴。小便不赤者。不得已而用理中湯一劑止之。久瀉不止者。以六君子湯加肉苳蔻。或香寇丸止之。如再不止。用醒脾散與服。或以五倍子。鴛粟壳燒灰用米飲調下。瀉之。凡後數方。蓋亦萬不得已從權而用。切不可目為定規而濫用也。

猪苓湯

猪苓

澤瀉

赤苓

滑石

阿膠

甘草

水煎服

香蘇散

蘇葉

陳皮

白芷

川芎

香附米

甘草

生姜葱白引

透斑和中湯

葛根

猪苓

澤瀉

茯苓

川芎

升麻各七分

前胡

吉梗錢一

柴胡五分

陳皮

半夏各七分

甘草三分

生姜三片引水煎分作數次服

辰砂益元散

治暑月小便不利

辰砂錢

桂府滑石

水飛過六兩

甘草四錢

炙甘草錢六

為細末清水調下二三錢老人虛人及病後傷津而小便不利者不宜用

又治暑月發驚多汗小便澀痛兼瀉心火

前方加薄荷葉少許以清肺熱名雞蘇散

加青黛少許以散肝火名碧玉散

加石膏少許以除胃熱名白朮散治同本方

加紅麴五錢以治赤痢名清六九

加吳茱萸一兩以治濕熱吞酸

一書治白痢

名茱萸六一散

加乾姜五錢以治白痢

一書消飲食

名溫六九

加生栢葉生車前生藕節以治血淋名三生益元散

加牛黃治虛煩不得眠名至寶益元散

加葱白五根香豉四合名葱豉益元散以水煎服則兼散表邪

薏苡仁散

薏苡仁

淮山藥

白茯苓

穀麥芽

白藕莖

香附米

山查肉

甘艸

水煎服

黃連葛根湯

黃連酒炒

葛根

升麻

甘草

水煎服

理中湯

人參 白朮 乾姜 甘草 水煎服

一書加肉豆蔻 一書加肉豆蔻去人參

六君子湯

人參 白朮 白茯苓 炙甘草 陳皮 半夏

紅棗姜引

香薷丸

黃連炒

肉豆蔻

麵包

訶子肉

麵包煨

木香

砂仁

白茯苓

為末飯丸藤子大米飲下十五丸

醒脾散

北金蝎

五隻 糯米

白附子 烏豆水

人參

木香

白茯苓

天麻姜汁

石葛蒲去尾姜汁蒸

炙甘草

為末水調服

養濟水湯第六十四

糞澹之症不須除。麻得斯候毒得舒。始終糞如黃褐色。雖有變症保無虞。

糞出有沫名水泄。初潮正出見為吉。久瀉氣陷恐成痢。溺赤燥渴脾胃熱。

麻症澹糞理勢必然。此肺胃之火所作而致。不必施治。何則火勢極則大便閉結。麻本火候。倘再便閉。則火毒內作極矣。

麻出必險是以糞瘡為正候初出與出時見此症其麻縱險可救正收與收後而糞瘡色如黃褐者雖有變症可保無虞若水瀉之症糞色必黃而有沫小便赤口乾唇燥皆由脾胃有熱所致然麻症泄瀉熱邪得以開洩是為順候初熱未出之間水瀉者以三苓散見三十條加葛根連翹木通滑石主之正出之時水瀉者亦以三苓散見三十條加連翹麥冬潮熱甚者更加黃連黃芩主之古人有用人參白虎湯去知母加夫麥冬治之者實為不妥方仍收列夫麻泄瀉毒火因瀉而解雖曰美候然不可令其久瀉倘或久瀉不止則正氣必衰脾氣下陷凡有未發熱之前水瀉至正出之際而不止其為日已久則麻毒難以發越後則留毒為

害不小。宜以加味三苓散主之。倘執泥毒邪得瀉而解之說。縱其久瀉而不為之早治。恐至麻收。醫之後。變成痢症。或下紫紅血等症。治療維艱。正收及收後而水瀉者。毒邪雖得瀉而盡。然止宜瀉三五次。不可過多。若自苗至尾。水瀉不止者。宜用清涼利水之藥。而佐以升提。方有用三苓散。規_三十_加香白芷。浙麥冬。治之者。須當審理。察宜隨機加減。而施正收及收後水瀉過甚者。頃以理脾胃為主。宜以只實理中湯。隨意消息加減而治。若不急治。多成腫脹。便血痢疾等候。至若麻後瀉利不止。口渴目閉。四肢不溫。與嘔吐不食。洞泄不知者。皆為不治之症。

加味三苓散 治痘麻渴甚小便紅黃

猪苓 木通 赤苓 車前子炒各七分 澤瀉分 黃芩炒

牛蒡子各五分 黃連酒炒二分 燈心五十寸引水煎食前服

人參白虎湯 治熱病舌乾大渴發熱背寒

人參 炙甘草各一錢 生石膏一錢一書用五錢 知母三錢

粳米半合 水煎分作三次溫服一日飲盡

枳實理中湯 治胃挾食及結胸本虛不能受攻者

乾姜炒黑五分至一錢 人參一錢至三錢 白朮炒焦一錢至二錢 只實

茯苓各一錢至一錢半 炙甘草一錢至一錢半 水煎服

瀉清第六十五

痢症泄瀉本常候。當分屬熱與屬寒。瀉下清稀白沫者莫作熱候一般看。

痢症泄瀉。本屬常候。屬熱者多。屬寒者少。然亦有瀉下清稀白沫者。其症喜溫腹疼喜按。此屬寒瀉。宜以胃苓湯去蒼朮。少用白朮。肉桂加煨姜治之。不可一例而治也。

胃苓湯 治飲食停積浮腫泄瀉脉症俱實者

蒼朮

未泔水浸去及以苳

川厚朴

去皮姜

廣陳皮

去

炙甘草

略三

生白朮

白茯苓

堅豬苓

銘二

澤瀉

肉桂

鹽水煎服

平胃本平胃氣之壞。阜若因脾土之虛不能消運。又須稍藉
參苓如養胃湯之類。然復有土衰不能分利而成腫脹。且氣
壅不勝。參朮難合理中者。乃合五苓以健運水土。與正氣之
假蘇養以甘平之和。而不移易之定例也。

瀉而腹痛脹滿第六十六

瀉下腹疼與脹滿噎氣藏息如敗卵。飲食不節。腹中停寬。腸化食自安妥。

瀉而窘迫。腹痛脹滿。或有噎氣如敗卵者。此乃飲食不節。停滯腹中。宜用只賣湯見四十九條去炙甘草。加山查肉。麥芽。木通以治之。

咳嗽鼻衄嘔吐泄瀉首尾治法總論第六十七

咳嗽吐瀉痢之宜熱毒由斯消滅時治法解毒同一例用方首尾不共施

麻疹初出必要咳嗽使腠理疏通鼻衄則熱毒得以隨衄而解泄瀉則上下熱毒得出嘔吐均屬美候亦脾胃二經熱毒所致且麻疹出自肺胃其理只以解熱毒為主六一散至寶丹或四物湯見二十條加黃連黃芩仍憑擇用若痢出之後而見咳嗽鼻衄吐瀉等候則又不宜用上三方俱宜以三味消毒飲見三十條主之可也

六一散

治表裏三焦之熱解肌清燥

滑石兩 甘草一兩 為末打葱湯或姜湯下

前方滑石等分四兩甘草等分一兩名曰天水散治痘乾紫

而痛用蜜水調塗並白湯調服

至寶丹 又名祛風至寶丹

防風 荆芥 連翹 麻黃 卜荷葉 川芎 當歸

白芍炒 枝仁炒 大黃酒 芒硝各五 枯黃芩 石膏

吉梗各一 甘草二兩 滑石三兩 人參 熟地 川黃柏

黃連 羌活 獨活 天麻 細辛 全蝎 白朮五錢

為末蜜丸彈子大不拘茶酒任下一丸

前方即防風通聖散此處加人參補氣熟地益血黃柏黃連

除熱羌活獨活天麻細辛全蝎祛風

自利去硝黃

自汗去麻黃加桂枝

涎嗽加姜製半夏

大便秘第六十八

火壅血燥津液竭大便因之而閉滯無分先後急通潤稽延日久變紫黑

大便秘結者乃火壅血燥而耗精液故也麻之為候大便宜滑如黃褐色乃為正候若大便秘閉而不通大非所宜無論前後日期但大便閉者急當用通潤清涼之劑初時大便難通而堅結難出者宜微潤之不可通利以通幽湯去升麻甘艸熟地黃加火麻仁只實黃連治之如麻未出之初有面色或青或紅或唇紫或煩悶而大便秘而不通者宜以大承氣湯去厚朴加連翹牛蒡子防風葛根荆芥穗下之使毒從大腸

經而出。然後再用宣毒發表湯。見第五條去升麻、吉梗、甘州以發出麻疹。其症自痊。若正收及收後大便不通者，則宜用大通潤之劑，以四順清涼飲治之。甚則用河間涼膈散。見第六條以通利之。若大便閉結，發熱身痛者，以大柴胡湯主之。腹痛氣喘者，以前胡、只壳湯。見第五十條去炙甘草，加姜汁炒芥子治之。凡麻見便閉之症，急宜早治，慎勿遲延。日久則麻變焦紫，枯黑而難救矣。

通幽湯 升清陽降濁陰治噎塞便閉

油當歸

二錢五分

升麻

醋浸二分

桃仁

研如泥一錢

紅花

生甘州

炙甘州

五分

熟地黃

生地黃

各一錢五分

水煎以藥汁磨檳榔五分對藥稍熱服加大黃名

大承氣湯

大黃酒洗 芒硝三錢 厚朴 枳實各八分 水煎服

四順清涼飲一名四

當歸 赤芍 大黃酒洗 甘草各等分

水煎入生白蜜一二匙對藥熱服

大柴胡湯 治表症未除裏症又急汗下兼行用之

柴胡錢一 黃芩 芍藥各三分 枳實三分 半夏五分 大黃二分

姜棗引

小便赤澀第六十九

膀胱餘熱小便澀火毒如何消散得無分初潮與收後三苓導赤為定格。

小便赤澀此裏熱甚之症也。在初熱正出之時見之乃熱邪

瀦滲是為正候。麻出現時小便赤澀或淋者以三苓散見三

條加燈芯石膏葶藶射干治之。苦熱甚小便赤澀謔語驚恐

者以導赤散見二十去甘州六條合三苓散見三十加辰砂主之

夏月以辰砂益元散見六十去甘州加石膏主之。若小便不

利而嘔吐者以三苓散見三十加藿香竹茹枇杷葉治之一

二日不通者以加味導赤散見四十主之。若於正收及收後

而見小便不通者。是內有熱毒。不得消散。而餘熱下匿膀胱。用導赤散。六見二十條加麥冬。或用加味導赤散。九見四十條以滋氣化導利。而小便仍不通者。必因大便秘澀之故。速宜通利。大便以通幽湯。八見六十條去升麻。熱地。甘艸。加只壳。丑牛。合導赤散。六見二十條治之。大便一通。而小便自利矣。

大小便不通第七十

麻疹二便閉不通邪火熾甚在裏中通關涼膈利臟腑官取一服見奇功。

麻疹自出至收總宜大小便滑利二便俱不宜閉閉即急宜通利。若麻疹有大小便俱不通者是火邪內熾之極宜以河間涼膈散見二十去甘州加牛蒡車前木通治之。甚則以通關散去甘州人參八正散去甘草治之。

通關散 通心經利小便良方

枝仁炒 大黃酒蒸 木通 赤茯苓 車前子炒

瞿麥 滑石 扁蓄炒 人參 甘草各五分

燈芯十根引

八正散 治濕熱下注口渴咽乾淋痛尿血小腹急滿

木通 瞿麥 車前子 枝仁 大黃 滑石 扁蓄

甘艸 燈芯引

木通瞿麥燈芯入小腸而降心火車前入膀胱而瀉肝火枝仁瀉三焦之熱大黃滑石乃瀉火利水之捷藥扁蓄利水止痛甘艸稍入蓋止痛雖治下焦而不專治下焦必三焦通利水方能下行也 一書加木香

吐利並作下瀉裏急後重脫肛第七十一

發熱之時吐利并。任他吐利不須驚。胞胎蓄毒從斯解。腸胃停污自此清。

發熱蒸蒸吐利并。或時滯下作腸鳴。火邪內迫宜清解。法向時行麻症尋。

白利甚時多變更。裏急後重症隨生。須為通利洩其毒。若犯瀉劑病更增。

麻症脫肛何所因。火邪內迫後重成。升提清熱是神手。若作氣虛定傷人。

久瀉脫肛氣血虛。治法不可一例拘。養血升提成妙用。破滯用

下更增危

麻本胎毒。發熱之時吐利並作。毒火因之而解。此為美候。如吐利並作。或時下滯。或作腸鳴。亦是火邪內迫而然。純是熱候。不可作寒而治。治法總宜清解。依麻科憑症施治。庶保無虞。如上焦火甚者則吐。下焦火甚者則瀉。中焦火甚者則吐瀉並作。自利甚者則必見裏急後重。而為滯下矣。如見裏急後重之症。則病者不耐猛力下氣。催便而脫肛之症。又勢所必致也。如麻發熱之時吐多者。以竹茹石膏湯去半夏加柿蒂主之。自利甚者。以秘本猪苓湯去升麻甘草分利之。發熱時吐利並作者。以三苓散見三十條加竹茹柿蒂滑石主之。下

滯以加味黃芩湯去白芍藥甘草加只實連翹牛蒡子青皮
以治之。麻收後熱毒未曾解盡。有下積滯者。當以連石茱萸
丸去升麻乾葛甘草白芍藥。加只亮山查肉麥芽青皮治之。
但方中茱萸若非陰寒隔寒而挾有熱者亦須除去。愚按。下
積滯之症。非僅麻收後有之。即將山正出之時亦常有見者。
愚謂不拘先後。但麻見有下積者。則當以清熱導滯湯。見七
十二
條去白芍藥厚朴甘草當歸淡竹葉。加山查肉麥芽治之。更
為妥當。白利甚。而變為裏急後重者。以黃連解毒湯。見三十
五條
加連翹牛蒡子青皮治之。若小便短少者。更加木通滑石治
之。如裏急甚者。則當加半生半炒黑白丑牛以利之。或以銅

壁山人黃芩湯去人參赤芍甘草。加連翹牛蒡子。凡牛以利之。或以加味黃芩湯去白芍甘草。加只實木通連翹牛蒡子。丑牛以利之。若夫脫肛之症。多見於將收已收之後。而治法有不可一例者。若因毒火內迫。大腸枯澀。肺金受傷。不能傳送。致成裏急後重之症。而病者難忍。無耐下力。送氣催便。以冀稍鬆。致肛脫出。不可認作氣虛施治。治法總宜清熱解毒。導利行滯。瀉火清金。兼用升提之品。以加味導赤散去薄荷。淡竹葉。加當歸尾。潤腸胃。破惡血。而養心血。牛蒡子以消毒。枯黃芩瀉肺火。以涼肺血。只亮以破氣滯。滑石各八分。通利六腑。九竅。以蕩熱散濕。丑牛四五分。以除壅滯。丹皮四五分。

以開陷伏之邪。使之外散。升麻五六分。以升散大腸胃胆三焦之火熱。如兼有潮熱者。加鮮地骨皮二三錢治之。若因久瀉而脫肛者。亦以加味導赤散去卜荷竹葉。如當歸身錢許。川芎錢許。升麻六七分。以養血理氣。升散大腸胃胆三焦之火熱。而只亮丑牛。又不宜緊用矣。

竹茹石膏湯

竹茹 石膏 黃芩 陳皮 半夏 水煎服

秘本豬苓湯 治瀉

豬苓 澤瀉 滑石 赤茯苓 黃連 升麻 甘草

燈心引水煎服 并治病入用力催便脫肛

加味黃芩湯

黃連

黃芩

各一錢五分

滑石

白芍各三錢

甘草七分

水煎服

血痢加地榆皮二錢

連石茱萸丸

黃連

炒

滑石

飛過各一兩

黃芩

干葛

白芍各八分

茱萸一兩

升麻七分

甘草四分

為末以山藥研粉作糊合九梧子大食遠用白湯送下三五錢

銅壁山人黃芩湯

治裏急後重

黃芩

黃連

生地黃

木通

只壳

當歸尾

赤芍藥

人參 甘草 三劑水煎服 初劑加大黃微利之
加味導赤散

生地黃酒洗一分 川木通 川元參各五分 連翹六分
川黃連八分 卜荷葉四分 淡竹葉七分 燈心引水煎服

痢症第七二

熱邪內陷因成痢。憑症施劑莫雷同。用心調理起沉痾。勿輕刮

濇圖霸功。

痢之成痢。乃熱邪內陷所致。多見於正收及收後。間有見於初熱未出及正出之時者。亦有自首至尾而作痢不輟者。又有因久瀉而成痢者。當分別治療。不可混施。若於初熱未出與正出之時而作痢者。藥宜以疎托爲君。行滯氣爲臣。爲佐解毒爲使。以葛根解肌湯見第五條少用葛根。去赤芍。蟬蛻。木通。甘草。畧加青皮。檳榔。再加防風。主之。若麻已出透。身熱未全。退毒氣流注而成痢者。以清熱導滯湯去白芍。查肉。甘草。川

厚樸加生地黃地骨皮木通主之。若麻毒未清變成赤白痢者。以加減黃芩湯去白芍。查肉。甘艸。如地榆皮。連翹。牛蒡子。主之。如麻復成痢。赤白腹痛者。以古方黃芩湯加只壳治之。亦有久瀉而成痢者。原因氣血已虛。不得已用人參黃連。枯黃芩。乾姜煎湯。從權治之。如正收及收後而下痢白色者。藥宜用解毒涼血行滯氣之品。以靜遠主人黃芩湯。除去人參。木香。甘艸。加生地黃。牛蒡子。連翹。防風。主之。痢下膿血者。以白頭翁湯去黃柏。加防風。主之。或因食積下滯者。以消食化氣為主。用只壳湯規四十條。去甘艸。加山查。麥芽。木通。青皮。主之。若腹中作脹。時痛。時止者。以厚樸湯去乾姜。甘艸。加檳榔。

山楂主之。夫麻後成痢，乃積熱移於大腸。以治麻後痢，統方

加減主之。有以三苓散規之者。加麻後下痢而身熱腹痛者。

以古方黃連解毒湯。見三十條。治之。若壯盛之人，內有挾食積

滯能食者，以三黃丸。見四十條。利之。若麻後赤痢，以四物湯。見

十條。合古方黃連解毒湯。見三十條。去枝仁，用當歸尾加尺蠖

治之。稍輕者，以四物湯。見二十條。加姜汁炒黃連、榆皮治之。如

麻後白痢，以四物湯。見二十條。加陳皮、白朮、木香。更有加生白

朮者，須宜酌用。麻後作痢，如兼小便赤澀者，以四物湯。見二十條。

加車前子、木通治之。麻後痢症或赤或白者，以四物湯。見二十條。

十條。倍白芍藥當歸，加大黃少許，以利瀉數次。麻後泄瀉成

痢者以四物湯五條加地骨皮酒炒黃芩主之若痢前曾

經泄瀉日久未曾清解至於痢後變為休息痢不問赤白但

見裏急後重晝夜無停者此餘毒在大腸乃積熱移于大腸

也急宜行氣養血切不可妄施瀉劑以圖霸功河間曰養血

而痢自止行氣則後重自除誠格言也宜以河間治久痢方

去人參白芍藥主之有用占方黃芩湯合天水與香薷丸大規

送下香薷丸體虛者香薷丸內更加人參腸滑者香薷丸如

內加檳榔白皮治之者實不若河間治久痢方之為當也如

自首至尾下痢不輟者必有風毒留滯於內宜解毒行滯而

兼疎風實脾之劑庶幾立應以清熱導滯湯去當歸淡竹葉

加防風荆芥治之有用四君子湯加山藥吳茱萸若痢而兼

嘔吐噤口不食更腸滑不止或下鮮血或下紫黯色或下如
瘰癧或下如屋漏水或下如雞肝色如黑豈汁之類兼之氣
喘煩渴熱甚發呃麻色紫晦者皆不治之症
清熱導滯湯十六條用

黃連炒酒

檳榔

黃芩炒酒

生白芍

只壳炒

厚樸薑汁炒

陳皮各七

青皮

甘艸各三

連翹

牛蒡子炒研各八分

查肉

當歸

淡竹葉各一錢

燈心五十寸引水煎加犀角末三分調服

紅多者加紅花分二地榆皮桃仁酒炒各八分

秘瀉甚者與裏急後重之極者加酒炒大黃分八

加減黃芩湯

黃芩 黃連 當歸 白朮 檳榔 青皮 澤瀉 山查

槐花 白芍 甘州 燈心

古方黃芩湯 治伏氣發溫小便膀胱三焦胆腑合病自痢

黃芩五錢 白芍六分 炙甘草一錢 大棗二枚

加半夏二名黃芩加半夏湯生薑引

人參黃芩黃連乾姜湯 治胃虛客熱痞滿

人參 黃芩 黃連 炮乾姜各二錢 水煎溫服

靜遠主人黃芩湯

黃芩 黃連 當歸 只壳 檳榔 青皮 川芎 木香

人參 甘州 水煎調六一散服

白頭翁湯 治熱痢下重

白頭 黃連 黃柏皮

各等分水煎溫服不愈再服

厚樸湯 治脾胃虛作脹腹中時痛時止

厚朴煨 陳皮去白 茯苓 乾姜 炙甘州 水煎服

治麻後痢統方

黃連酒 黃芩酒 麥冬 防風 天花粉 元參 只壳

牛蒡子 木通 枝人 滑石 吉梗 京芍 勾藤勾

甘州 二劑水煎服不愈加猪苓青皮

河間治久痢方

當歸 白茯苓 黃芩 車前子 陳皮 人參 白芍藥
甘草 炮乾姜少許為引水煎服

四君子湯

附 人參 白朮炒 白茯苓 甘草 紅朮姜引
治痢後痢丹方

附 西河柳 為末以沙糖水調服四錢

萬氏治痢後痢下鮮血驗方

當歸尾 生地黃 條子苓 黃連炒 煨皂角
人參 白芍 生甘草 水煎服

下疝虫第七十三

上膈胃火盛少食。此上不安。往下行。此候不須用方藥。調其飲食。症自平。

下疝之症。見於麻收之後。乃上膈及胃火壯盛少食。虫不能上安。而往下行。虫往下行。亦順症也。與過食傷中。虫不能容。而下不同。但調其飲食自愈。非若口中吐虫之比耳。不須施治。